



• EDITORIAL • RÂL VÊNGTU • CHHÛNGKAW CHANCHIN

- » KÏP General Conference Vawi 57-na
- » Kohhran Hmeichhe Rorêl Inkhâwm
- » Pro Pastor hna zir lâwkna (Orientation)

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXIII

No. 414

E-mail: synodnews@gmail.com

FEBRUARY, 2018

LÂWRKHAWM

PCI A/S THAR TÛR

REV. DR. K. LALRINKIMA

Presbyterian Church of India (PCI) Administrative Secretary pathum zînga pakhat thawh hun a tâwp avânga a hmun ruakah PCI hnuaiia Unit (Synod)-te, thlan tûr hming pe duh tân hming pêk hun hawn ni a. Mizoram Synod aţangin Rev. Dr. K. Lalrinkima nominate a ni a. January thlaa PCI Executive Committee t hu chuan Rev. Dr. K. Lalrinkima hi A/S hna thawk tûr hian a thlang. Kalphung panggaiah chuan hei hi PCI Inkhâwmpui Lian (General Assembly, May 3-6, 2018)-in a pawm hnuah thawh zui nghâl thîn a ni. PCI Headquarters Office, Shillong-ah thuin kum thum term a ni a, term khat dang thlan leh theih a ni.

NE CHURCHES COUNCIL MEETING

Interserve buatsaih India Hmârchkhak Kohhrante Inhmuh khawmna (North East India Churches Council Meeting) chu February 9, 2018 khân CBCNEI hmun pui, Guwahati-ah buatsaih a ni a. Kohhran hrang hrang aiawh pakua an kal. Mizoram Presbyterian Kohhran Synod aiawhin Executive Secretary i/c Mission, etc. Rev. B. Sângthanga leh SMB Office-a thawktu pahnih an kal a, Ramthar rawngbâwlna chungchângna hma lâkna hrang hrang report khâwmin tûnlai India boruak mila ramthar rawngbâwlna kalpui dân tur kawng hrang hrangte an sawi ho va, he meeting hian rawngbâwl zêlnaah rah tha a chhuah ngei an beisei.

SEC VAWI 272-NA

Synod Executive Committee vawi 272-na chu Synod Kalendar lama thut hun ruat sa zuiin February 21-23, 2018 chhûng khian JM Lloyd Hall-ah an thû ang. Kum kal ta Synod Inkhâwmpuiin SEC bawh zui tûra thu a dah chi hrang hrang bawh zui bâkah OM aţanga thu lût eng emaw zât ngaihua a ni ang.

SYNOD MISSION BOARD-IN MISSIONARY

THARTE A TIR CHHUAK

- * Missionary thar 69 leh Cambodia-a thawk tûr Missionary Pastor pakhat an inkhâwm thei.
- * Field Secretary leh Missionary Pastor-te nêen, missionary-a chhuak thar zawng zawng 85.

Mizoram Presbyterian Kohhran Synod hnuaiia Ramthar rawngbâwlna lama mawhpurtu, Synod Mission Board (SMB) chuan ruahman lâwk angin February 4, 2018 (Pathianni) chawhnu dâr 1:30 khan Chawnpui Kohhran Biak Inah Missionary Tirth Chhuah Inkhâwm a buatsaih a. Tirth chhuahte bâkah kohhran mipui te, thenrual leh chhûngkhat laina ţawiawm tu an kal tha hle a. Dâr hmasa a rik chuan Biak In leh a kawt zâwl khat tlatin mipui an awm tawh a. Hemi ţuma inkhâwm zât hi 2,300 vêl an ni.

Inkhâwm hi SMB Secretary Rev. K. Lalrinmawian a kaihruai a, Dr. Robert S. Halliday, Co-ordinator, SMB-in inhmêlhriatirna atihzawhah Synod Moderator Rev. F. Lalrinnungan tirth chhuahna hmangin thuchah a sawi nghâl a. Tirth chhuahte aiawhin Lalduhawma Hlondovin thu a sawi a, Synod Executive Secretary i/c Mission, etc., Rev. B. Sângthangan tirth chhuahte a ţawngţaisak thung. He inkhâwmah hian kum 2018-a missionary pension-a chhuak mi paruk hnênah Certificate hlan an ni a; Zaipâwl pahnih - Mizoram synod Choir leh Synod Mission Choir te an zai a; Rev. R. Lalnuntluanga, Synod Statistician-in inkhâwm hi malsâwmnain a ţin a ni.

Kum 2018-a SMB-in missionary a tirth chhuahte hi an vaiin 85 an ni a, hêng zîngah hian Field Secretary pathum leh Missionary Pastor 12, an vaiin 15 chu an thawhna hmun tûr ţeuhvah January thla chawhna lam khân dah nghehna (induction/installation) neihpui an lo ni tawh a. Chuvângin Missionary tirth chhuah inkhâwmah hian an lo kal thei lo va; Cambodia-a thawk tûra Synod-in a tih, an rama awm phalna (visa) dila nghâk mêk Rev. H.L. Thianghlima leh kum 2017 tâwp lama Synod Service Board (SSB)-in contract basis-a thawk tûra a lâk mi 69, an vaiin missionary 70 chu a hmuna kal thei.

SSB-in missionary atâna a lâk thar 69 zînga 41 hi hmeichhia an ni a, mipa chu 28 an ni. Hna hrang hranga an awm dân tûr chu hetiang hi a ni: Evangelist - 35; Evangelist Teacher - 26, Craft Teacher - 5, Medical service (Nurse) - 3. India hmârchkhak (North East India) huam chhûnga thawk tûr an

tam ber a, mi 31 an ni. Central India-ah 24 an thawk ang a, Mizoram chhûng (Home Mission)-ah mi 14 an thawk thung ang. An zîngah hian kawppui nei tawh panga an awm a, a bâk zawng hi chu nupui pasal la nei lo an ni. SMB hian Synod Inkhâwmpuiin la hre lote hnêna Chanchin Tha hril a ngaih pawimawhia hriain hemi lam hna thawk tûr (Evangelist) a dah tam ber a. Evangelist Teacher-te hi Mission School hrang hranga zirtirtu hna thawk paha Chanchin Tha hril hna thawk tûr an ni a; Craft Teacher-te hi puanthui zirtir paha Chanchin Tha hril hna thawk tûr an ni leh a; nurse-te hian a theih ang anga tihdam rawngbawl hna thawk pahin Chanchin Tha an hril thung ang. Synod Ramthar rawngbâwlnaah hian Pathian hnathawh ropui tak tak hmuh tûr a awm zêl a, kum kal ta (2017) chhûng khân ringthar 7898 an awm.

Tirth chhuahna hun a hman zawha thuchah sawitu Synod Moderator, Rev. F. Lalrinnunga chuan 'Lal Isua kraws pu a chung a hnung zui turin' a chah a - "Pathian thiltitheihna sang ber kraws pu tura Pathian leh kohhranho aiawha thlangtuten an thlanna che u hi a hluin a ropui hle. Lal Isuan he khawvêlah a Pa duh zâwng hlen chhuak tûra kraws a put avângin Pa Pathianin chawimawina sâng ber a hlan a, hming zawng zawng chungnung ber a pe. Chu chauh a ni lo. Vâna mi te, leia mi te, lei hnuaiia mite a hmaa thingthiin lei tinrêngin 'Isua Krista hi Lal a ni' tiin an la puang dâwn.

"Lal Isuan chawimawi a hlawnna chu kraws-ah a ni a, hming zawng zawng hming chungnung ber pêk a nihna pawh kraws-

Phek 2-naah chhunzawm...

SYNOD Newsletter

EDITORIAL STAFF

Rev. Dr. C. Chawngmgingliana
Rev. PC Pachhûnga
Upa H. Ronghâka
Rev. R. Laldinthara

Editorial

INKHÂWMPUI RORÊL LEH A KAIHNAWIH

Mizoram Presbyterian Kohhran kalhmangah hian kum bul lam leh kum tâwp lamah inkhâwmpui chi hrang hrang hman a ni thîn a. Kum bul lamah hian kohhran rorêlna lamah chuan Bial Inkhâwmpui hman a ni thîn a, Bial huap mai mah ni se, ram pum huapa kohhran hma lâk dân tûr chhawpna a nih avângin a pawimawh hle. Kohhran Hmeichhia leh KTP-in kum bul lamah Bial leh ram pum huap inkhâwmpui/rorêl inkhâwm an hmang thîn baw a. Kum khat chhûnga bawh zui tûr thil chi hrang hrang ngaihtuah leh rêl a nih thîn avângin a pawimawh êm êm baw a.

Ram pum huap inkhâwmpui liana thu ngaihtuah tûr (Agenda) chhawp aţang hian Kohhran, Kohhran Hmeichhia leh KTP-te hawi lam a hriat thîn a. Chutih laiin agenda thenkhat han en hi chuan rêl tûr hi a dapin kan dap ta deuh em ni, tih mai theih a ni. Kalhmang khawih thil, kum hmasa lawka lungual taka rêl thlûk ni si, kum thum êm pawh a vei hmaa tihdanglam leh rawtna lût leh mai thîn te a awm fo va, chutiang venna tûr atân Synod Inkhâwmpui chuan agenda ngai chu kum thum a ral hma chuan rêl tûr chhawp loh tûr tih a ni ta a. Kohhran Hmeichhia leh KTP-ah te pawh hian hetiang deuh hi kalhmangah neih ni se a tha mai thei a ni. Dân lam khawih pheh hi chu kum 10 vêt tal a vei hma chuan tihdanglam loh tûrah ngai hial ila, kan thûltho lo deuh ngei ang.

Hun leh thil tih dân kalhmang inher danglam in kohhran leh a pêngte thil tih thîn dân a nghawng avânga kalhmang tihdanglam loh theih loh a awm rualin a fawng chelhtu danglam avânga thil thlâk danglam duhna nia lang te pawh a awm thîn. Hetiang chi-ah hian rorêlna tinah fimkhur a ngai. Hmasawna tûr leh thil tha zawk ngei tûr a nih chuan kohhran leh a pêng rorêlna ngaihtuah tûr thawh hi inthlahrun chi a ni lo va; chutih laiin rêl tûr dap tum luattuk avânga hmanhlelna lamah hi chuan insûm erawh a ngai ta khawp mai.

Phêk 1-na zawm...

ah a ni. Chu kraws pu ve tûra koh leh hun puma thawk tûra thlan in ni hi in vannei a ni. Chu kraws pu lo chuan a hnung zuitute hian chawimawina kan hlawh dân lo. Eng pawh hmachhawn ula, kraws in put phawt chuan chu Pathian thiltihtheihna hmang chuan in hneh zêl ang," tiin a chah a ni. A thlengu

Chawnpui Kohhranin hneh taka thlengin inkhâwm bânah inkhâwm zawng zawng tân thingpui ruai an buatsaih a. Missionary tih chhuahte hian February thla chawhma lam khân an thawhna hmun an pan hlawm a; kohhranhoten thahnem ngai taka tawngtaisak tûrin an ngên a ni.

SYNOD MISSION BOARD RINGTHAR NEIH ZÂT (2017)

Mission Field	Missionary	Thawktu dang	Total	Ringthar zat (Jan-Dec '17)
1. Barak	200	153	353	230
2. Tripura	146	92	238	2,031
3. Delhi	21	13	34	98
4. Kolkata	44	114	158	825
5. Siliguri	36	27	63	180
6. Karbi Anglong	117	80	197	204
7. Arunachal East	85	65	150	188
8. Lucknow	43	39	82	424
9. Patna	49	23	72	225
10. Nepal	50	46	96	178
11. Arunachal West	70	44	114	140
12. Home Mission North	187	-	187	129
13. Home Mission South	255	7	262	107
14. Assam	87	26	113	80
15. Jharkhand	45	96	141	507
16. Masihi Sangati	188	-	188	1,986
17. Arunachal North	59	38	97	268
18. Orissa	21	-	21	98
TOTAL	1,703	863	2,566	7,898

KTP GENERAL CONFERENCE VAWI 57-NA

Kristian Thalai Pawl General Conference vawi 57-na chu March 1-4, 2018 khian West Phailêng Field-ah hman a ni dân. Conference Thupui, 'Isua Chhinchhiaha Put' tih chu Rev. Vanlalzuatan vawi thum a sawi ang. Thupui sawitu (Speaker) bâkah hian Synod Moderator Rev. F. Lalrinnunga, te, Sr. Executive Secretary Rev. Lalramliana Pachau te, CKTP Leader Rev. Zothansânga ten vawi khat theuh thu an sawi dân a, Rorêl Inkhâwm hlânin Upa Dr. Lalnundanga, Châltlâng leh Pi Vanlalthâwmi, MTC-ten thupui thlan bik an sawi ang a; Fellowship-ah CKTP Committee member Upa Zomuana Râltê leh T. Upa Lalrinawma ten thuchah tawi an sawi baw a.

Inkhâwm hi CKTP Office Bearer leh Committee member-ten an inhuai chhâwk dân a, inkhâwm apiangin Zaipawl panga vêt zêl an zai ang. Thlen kim zân inkhâwm March ni 1-ah 'Kum puan' hawna leh 'Kum puan film' hlanna

hun Rev. B. Sângthanga, Executive Secretary i/c K.T.P-in hmangin Upa R. Dêngzîkpuia, Synod Secretary-in Synod Choir Music Video siam thar chu Pathian hnênah a hlân thung ang. Mal zai, group zai, lemchan, thu chham, etc. ti tûr Branch 23 lai an awm. KTP General Conference vawi 57-na pual hian hla 50 awmna Hla Bu hran siam a ni a, hei hi November 16, 2017 khân CKTP Leader Rev. Zothansânga a lo tlângzarh tawh a. Zai ho hi thalaiten an thlâkhlêh ber a nih avângin zai hruaitu, hla hriltu leh musician-te vawi eng emaw zât inhu khâwmin zai hruai dân an lo zir lâwk thîn a ni.

Kumina KTP General Conference hmanna tûr West Phaileng Bial hi an inbuatsaih nasa hle a, pandal an sak pum dawn hnaihah a chim avângin a bul aţanga ţan thar leh a ni a, chuti chung chuan tha takin an sa zo leh hman vek a, an khua a len vak loh avângin kum dang aini chhûng khatin mikhual thlen tam deuh pawh a ngai dân niin a lang.

SÊRCHHÎP DISTRICT HUAP SEMINAR

Synod Social Front chuan February 16, 2018 hian Sêrchhîp Kâwnpui Kohhranah Sêrchhîp District pum huapin Political Education Seminar a buatsaih a, thupui pahnih - 'Ram Rorêlna Thaa Sawrkâr Mawhphurhna,' Lalthlamuana Ralte ziah leh 'Ram Rorêlna Thaa Mipui leh Kohhran Mawhphurhna,'

Rev. Chuathuama ziahte zir ho a ni. Sêrchhîp District huam chhûngah hian Presbyterian kohhran (local church) 91 an awm a, kohhran tin aiawh pakhat theuh leh Pastor leh Pro Pastor-te kal tûra sâwm an ni. Seminar-a kalte hi DA pêk an ni a, lehlânga kal pha lote kal man eng emaw chen tumsak an ni baw a.

Râl Vêngtu

Râl Vêngtu chuan a râl vên bûk aţang chuan khaw chhûng lam chu ngun zetin a thlir vung vung a.

Mite: Râl Vêngtu, eng nge i thlir vung vung a, i va thlir uluk ve?

Râl Vêngtu: Mipui che vèl ka lo thlir alâwm le. Thil mak deuh deuh ka hmu thluah mai.

Mite: I thil hmuh chu min han hrilh ve la maw le.

Râl Vêngtu: In duh a hnu, a point te tein ka'n hrilh ang che u:

1. Zing tawngtai inkhâwm kal thîn leh zing exercise la thîn te khu an rin tlâk tlângpui, an rin tlâk vek tihna phei chu a ni bik lo. Buh tak zingah buh lem pawh a awm chawk.

2. Mobile phone a ţha zâwna hmang ţangkai tam tak an awm laiin a chhe zâwna lo hmang ţangkai pawh an tam mai.

3. Mahni hnaa rinawm tak tak an tam hle laiin rin tlâk loh leh rin ngam loh fe fe an tam hlê bawk.

4. Mahni in nuam ti tak tak an tam hle laiin mahni in nuam ti lova pawns lama hlimna zawnga tei rawlai mai pawh an tam khawp mai.

5. Mahni lawina kohhrana chaw kham khawp hmu zo lo, kohhran leh hmun danga inhnangfâkna zawng thîn pawh vêng tinah khuan motor lian (Truck) nam nung thei tûr khawp hmuh tûr an awm zêl.

6. Mahni tu leh fa te vei êm êm tam tak an awm laiin mahni tu leh fa te aia mi dang vei ta tlat zawk pawh hmuh tûr an tam hle bawk.

7. Sunday School zirtirtu zingah Sunday School zirilaibu aia an mobile phone a thu fahrah te te chhiar peih zawk an tam mai.

8. Sunday School hmung lama "Awm" tih chauh duh tâwkho khuan inkhâwm dang an ngai pawimawh lêm lo. Tûn atân chuan duh tâwk leh phawt ang.

Mite: Râl Vêngtu, i thil hmuh chu a dik hmêl hlê mai. I râl vên bûk aţang hian thil i hmu Chiang thîn viau chu a ni phawt mai a. Kan rawn kâwm leh thuai ang che.

Mite chu an in lam pan chuan an haw leh ta diah diah a.

SYNOD HOSPITAL, DURTLÂNG DECEMBER, 2017 CHHÛNGA THILPÊK DAWNTE

I. CHARITY FUND

1.	Challlâng 'S' Kohhran Hmeichhia	Rs	5,000/-
2.	Pu Lalhmachhuana, Electric Vêng, Aizawl	Rs	1,000/-
3.	Khatla 'N' Kohhran Pavalai Pâwl	Rs	3,000/-
4.	Pi Lalpârmawii, Synod Hospital Campus	Rs	5,000/-
5.	Zakhâwii, Mauchar	Rs	50/-
6.	Thangdualoova & Lalhmudiki, Mauchar Vênglai	Rs	500/-
7.	Lallânpuii, Mauchar	Rs	100/-
8.	Dâwrpui Vêngthar Kohhran Hmeichhia	Rs	10,000/-
9.	Mizoram UPC, Durtlâng Bial	Rs	10,000/-
10.	Lalchhuansanga te unau, Vêngthui	Rs	1,000/-
11.	KTP, Kâhmun Bial	Rs	2,000/-
12.	Khatla East Kohhran Pavalai Pâwl	Rs	2,000/-
13.	Kallâng Vêngthar Kohhran	Rs	3,000/-
14.	Pu Lâramena, Durtlâng Dâwrkâwn	Rs	1,000/-
15.	Ramthar Vêng Kohran	Rs	5,000/-
16.	Kolasib Hmâr Vêng Bial Pavalai Pâwl	Rs	6,550/-
17.	Bethlehem Vêng Kohhran Hmeichhia, Aizawl	Rs	10,000/-
18.	Kolasib Diakkâwn Kohhran	Rs	45,000/-
19.	Upper Republic Kohhran Hmeichhia	Rs	7,000/-
20.	MBJ (Thian zaho), Aizawl	Rs	3,000/-
21.	Pu Rosâwmliana Vârtê, Durtlâng Leitân	Rs	1,000/-
22.	Sister & Staff, ENT Ward, Synod Hospital	Rs	3,000/-
23.	Upa H. Lalundanga, Synod Hospital	Rs	1,000/-
24.	NPSS, Champhai Vêngthar Kohhran	Rs	3,000/-
25.	Champhai Vêngthang PES	Rs	5,000/-
26.	F. Lallânpuia, Champhai Vênglai	Rs	2,000/-
27.	Hmunhmlêtha Kohhran	Rs	5,000/-
28.	KTP, Champpui Vêngthang Branch	Rs	35,000/-
29.	Electric Vêng Kohhran Hmeichhia	Rs	20,000/-
30.	Lily Vêng Kohhran Hmeichhia	Rs	10,000/-
31.	Offices & Staff Welfare, Aizawl Dist., Soil & Water Conservation Dept.	Rs	15,000/-
32.	KTP, Setting Branch	Rs	3,100/-
33.	Pu Lâkânglira, Durtlâng Mèl - 5	Rs	1,000/-
34.	ENF, Synod Hospital	Rs	25,000/-
35.	Thian Pawho, Durtlâng North	Rs	5,000/-
36.	Doordarshan Staff Welfare Committee	Rs	5,000/-
37.	Lalpuillâng Kohhran Hmeichhia	Rs	5,000/-
38.	Khatla North Kohhran	Rs	20,000/-
39.	Diakkâwn Kohhran Hmeichhia, Kêlkâng Bial	Rs	1,000/-
40.	Kâwmaw Kohhran, Lallen Bial	Rs	1,700/-
41.	Bangalore Kohhran Hmeichhia	Rs	5,000/-
42.	Ramthar Tiângvêng Kohhran	Rs	15,700/-
43.	Pu Zonundanga, Zârkawt	Rs	3,500/-
44.	Hmingthup	Rs	8,000/-
45.	Luangmual West Kohhran Pavalai Pâwl	Rs	10,000/-
46.	Lalthiamuanii, 2nd Yr GNM, Kolasib Diakkâwn, C/o R. Laisammawii (Krismas pualin)	Rs	5,000/-
47.	KTP, Tuikualhâng Branch, Aizawl	Rs	12,000/-
48.	KTP, Mission Vêng Branch, Aizawl	Rs	10,000/-
49.	Mizoram Cooperative Apex Bank Ltd., Aizawl	Rs	1,00,000/-
50.	Vânâmsâwmlizualii, Durtlâng Mèl - 5	Rs	1,000/-
51.	Upa R. Dêngzika te chhûng, Maubâwk, Aizawl	Rs	1,000/-
52.	Khatla East Kohhran Hmeichhia, Aizawl	Rs	10,000/-
53.	Tuikualhâng Kohhran Hmeichhia, Aizawl	Rs	10,000/-
54.	Durtlâng Kohhran Hmeichhia	Rs	7,510/-
55.	Lalrimawii Vârtê, Durtlâng Mèl - 5	Rs	500/-
56.	Lalhmungawii Vârtê, Durtlâng Mèl - 5	Rs	500/-
57.	All Cleaner, Synod Hospital, Durtlâng	Rs	3,000/-
58.	Ramhlun Vêngchûng Kohhran Hmeichhia	Rs	20,000/-
59.	UPC (NEI), Zembâwk Vêngpui, Aizawl	Rs	5,000/-
60.	Upa H. Lalhira, Kulikâwn	Rs	2,000/-
61.	Upa Dr. Rothangliana, Kulikâwn	Rs	2,000/-
62.	President LTP Charity Foundation, ITI Vêngthar, Aizawl	Rs	5,000/-
63.	KTP, Dinthar Vêngthang Branch, Aizawl	Rs	10,000/-
64.	V.L. Hmangshângi, Khatla Bethel	Rs	1,000/-
65.	Rammuanpui Râlê D/o R. Ramdinlana, Durtlâng Leitân (Kum 3 a tin lawm nân)	Rs	1,000/-
66.	Multipurpose Cooperative Society, Champhai	Rs	5,000/-
67.	Bâkhai Kohhran	Rs	500/-
68.	Tuipubâi Kohhran	Rs	200/-
69.	Angus-le Unau, Bairabi Chhim Vêng	Rs	1,211/-
70.	Dr. Fraser's Clinic Staff, Mission Vêng, Aizawl	Rs	2,000/-
71.	Chanmari West Bial Kohhran Hmeichhia	Rs	10,000/-
72.	Tanhril Vêngthar Kohhran Naupang Pual Carol Service	Rs	3,000/-
73.	Chanmari West Hmâr Vêng Kohhran Hmeichhia	Rs	20,000/-
74.	R. Lalzâmlowa, Maubâwk, Aizawl	Rs	1,000/-
75.	Dâwrpui Vêngthar Kohhran, Aizawl	Rs	10,000/-
76.	KTP, Zembâwk Branch, Aizawl	Rs	12,000/-
77.	Pu Hauianhanga & Family, Ramhlun North	Rs	10,000/-
78.	Albert Liantuanga, Grace Home Enterprise, Ramhlun North, Aizawl	Rs	20,000/-
79.	Lalpuillâng Kohhran Pavalai Pâwl	Rs	10,000/-
80.	Pu B. Lalhengliana & Family, Bethlehem Vêng, Aizawl	Rs	10,000/-
81.	JC. Security Guard & Labour Supply Agency	Rs	10,000/-
82.	Dr. B. Zoliana & Family, Bâwngkâwn, Aizawl	Rs	10,000/-
83.	VTR Computer Centre, Durtlâng North	Rs	1,000/-
84.	Soteria Group Kohhran	Rs	7,500/-
85.	Aijal Club, Khatla	Rs	40,000/-
86.	Pu C. Laisâmliana te chhûng, Durtlâng Mèl - 5	Rs	2,000/-
87.	VTR Computer Centre, Khatla	Rs	1,000/-

II. THISEN PETE

1.	KTP, Chawhmun Branch, Aizawl	Rs	1,000/-
2.	KTP, Himail Bial, Lalpuillâng	Rs	3,000/-
3.	Sesawng Bial	Rs	5,000/-
4.	KTP, Electric Vêng Bial, Aizawl	Rs	50/-
5.	NSS, Durtlâng Higher Secondary School	Rs	500/-
6.	KTP, Champpui Vêngthang Branch, Aizawl	Rs	100/-
7.	KTP, Muakhang Branch	Rs	10,000/-
8.	KTP, Challlâng Branch, Aizawl	Rs	10,000/-

III. GRACE HOME TÂN

1.	Ramhlun Vêngchhâk Kohhran Hmeichhia	Rs	10,000/-
2.	Mizoram Thalai Kristian Pawl (MTKP)	Rs	20,000/-
3.	Mr & Mrs Laisâwmliana, Aizawl Vênglai	Rs	20,000/-
4.	Aizawl Vênglai Kohhran Hmeichhia	Rs	10,000/-
5.	Dâwrpui Vêngthar Kohhran Hmeichhia	Rs	10,000/-
6.	Challlâng South Kohhran Hmeichhia	Rs	5,000/-
7.	Lumding Kohhran Hmeichhia	Rs	3,000/-
8.	Vêngthui Bial Kohhran Hmeichhia	Rs	10,000/-
9.	Zuanguit Bial Kohhran Hmeichhia	Rs	20,000/-
10.	Zuanguit Kohhran Hmeichhia	Rs	5,000/-
11.	Chanmari Kohhran Hmeichhia (Krismas pualin)	Rs	3,000/-
12.	Challlâng Bial Kohhran Hmeichhia (Krismas pualin)	Rs	5,000/-
13.	Chawppui Kohhran Hmeichhia (Krismas pualin)	Rs	5,000/-
14.	Staff Welfare Association, RIPANS (Krismas pualin)	Rs	10,000/-
15.	Zârkawt Kohhran Hmeichhia (Krismas pualin)	Rs	10,000/-
16.	Maubâwk West Kohhran Hmeichhia, Aizawl	Rs	10,000/-
17.	Electric Vêngthang Kohhran Hmeichhia, Aizawl	Rs	5,000/-
18.	KTP, Chhinga Vêng Branch, Aizawl	Rs	5,000/-
19.	Directorate of Food & Civil Supplies, Govt. of Mizoram	Rs	20,000/-
20.	Lalhrizualia, College Vêng, Aizawl	Rs	3,500/-
21.	Dr. Mac Malsâwmlizualia leh a phiante	Rs	20,000/-
22.	Malsâwmlizualia, Q&A	Rs	2,500/-
23.	Chawppui Bial Kohhran Hmeichhia	Rs	10,000/-
24.	Bethlehem Vênglai Bial Kohhran Hmeichhia	Rs	10,000/-
25.	General Secretary, CYMA	Rs	3,000/-
26.	KTP, Tuikual North Branch	Rs	6,300/-
27.	Pu R. Romawia & Pi Vânlakmi, Vaivakâwn	Rs	10,000/-
28.	Bethlehem Vênglai Kohhran	Rs	10,000/-
29.	JC Security Guard & Agency	Rs	5,000/-
30.	Ludhiana Mizo Welfare	Rs	5,000/-
31.	Aijal Club, Khatla	Rs	30,000/-
32.	Lalmangalha 11 yrs, K.Hmingmawzuala 9yrs, Malsâwmlizualia 10yrs, R. Lalnuhloia 10 yrs, ten Carol atanga an hmuh	Rs.	400/-
33.	KTP, Kulikâwn Branch	Rs.	2,000/-
34.	St. Pauls Higher Secondary School, Tiângnuam, Aizawl	Rs.	400/-
35.	Grace Home leh K.Ward tan League of Mercy, Challlâng Lily Vêng, Aizawl	Rs.	400/-

IV. THIL DANG PETE

1.	The Hon'ble Chief Minister, Mizoram	Krismas thilpêk Rs.	5,000/-	
2.	Chanmari Kohhran Hmeichhia, Aizawl	Krismas thilpêk Rs.	20,000/-	
3.	Christ The King Cathedral, Kulikâwn	Krismas thilpêk Rs.	10,000/-	
4.	Mission Vêngthang Kohhran Hmeichhia	Krismas thilpêk Rs.	20,000/-	
5.	Thakthing Vêng Kohhran Hmeichhia, Aizawl	Krismas thilpêk Rs.	10,000/-	
6.	Central YMA, Aizawl	Krismas thilpêk Rs.	10,000/-	
7.	Presbyterian Kohhran, Zârkawt	Krismas thilpêk Rs.	10,000/-	
8.	Pu B. Lalzêla & family, Vêngthui, Aizawl	Krismas thilpêk Rs.	7,000/-	
9.	The Salvation Army, India Eastern Territory, THQ	Krismas thilpêk Rs.	20,000/-	
10.	Ajrun	Palliative Care tân Rs.	45,000/-	
11.	Vaivakâwn Bial Kohhran Hmeichhia	Syringe Pump lei nân Rs.	50,000/-	
12.	KTP, Dâwrpui Branch, Aizawl	Nau piang chibai bôkna Rs.	5,000/-	
13.	Pu R. Romawia & Pi Vânlakmi, Vaivakâwn	Krismas leh Kum thar chibai bôk nân Rs.	20,000/-	
14.	Durtlâng Kohhran NPSS Krismas Ni Chapel	Eye Unit tân Enlarging Machine lei nân Rs.	26,691/-	
15.	KTP, Tuikual Branch	Choka Office tân thuthlêngse leh cushion Rs.	11,000/-	
16.	Lalinsângi, Bethlehem Vêngthang, Aizawl	Hmunphiah 110 Rs.	20,000/-	
17.	Dârlawn Kohhran Pavalai Pâwl	2018 Calendar 52 Rs.	1,000/-	
18.	R. Lalawmpuii, Paradise Tours & Travels, Zodin, Aizawl	19.12.2017 zâna Carol Service neihs	Rs.	20,000/-
19.	KTP, Dâwrpui Branch, Aizawl	Pi Puii In tân hmumphiah 50	Rs.	20,000/-
20.	Saikhamakâwn Kohhran Hmeichhia	Sarôn Vêng	Rs.	20,000/-
21.	Upa Malsâwma te chhûng, Sarôn Vêng			

V. PAWISA DAWN ZAWNG ZAWNG :

I) Charity Fund	Rs.	7,22,121/-
II) Grace Home tâna pêk	Rs.	3,01,700/-
III) Donation	Rs.	2,69,691/-
GRAND TOTAL	Rs.	12,93,512/-

Khangalhana leh duhsaknaa thilpêk min petule zawng zawng hnenah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takna a awm a ni, Hospital mamawh tam tak min puhruksak baw a ni.

Sd/- (REV. R. RAMDINMAWIA)
 Chaplain, Synod Hospital, Durtlâng.

KOHRAN HMEICHE RORÊL INKHÂWM

Mizoram Presbyterian Kohhran Hmeiche Rorêl Inkhâwm wavi kuana chu March 9-11, 2018 chhûng khian Tuikual Kohhran Biak Inah hman a ni dawn. A ţan ni (Zirtâwpni) zânah kum khat chhûng rawngbâwlna report ngaihthlâk a ni ang, Inrinni nilêngin rorêl a ni ang. Zirtâwp zana hian Synod Moderator Rev. F. Lalrinnungan

Pathian thuchah a sawi ang a; Inrinni zânah Executive Secretary in charge Rev. P.C. Pachhungan a Pathian thuchah a sawi baw ang. Kuminah hian Thupui atân, "Ram chu Lalpa ta a ni," tih thlan a ni a, thupui sawitu (Speaker) Rev. Dr. K. Lalâwmzuala, ATC-in thupui hi wavi thum a sawi thung ang.

CHHIM BIAL LAM TRAINING

February 5 & 6, 2018 khân Chhim Bial Working Committee-in Saiha, Sangau leh Tuipâng Bialah Kohhran hruaitute, KTP leh Kohhran Hmeichhe hruaitute pualin Administrative Training a buatsaih.

Saiha Bialah Rev. R.C. Lalngkhâkiana, Administrative Secretary, Chhim Bial leh Pu Lalthankima Chhangte, O/A, Synod Office Lunglei te an kal a, Bial chhûng kohhran hrang hrang aţangin mi 23 an tel thei a ni. Sangau Bialah Upa Lalhmingliana, Haulawng, Upa Thlengliana, Lunglei Bazar Vêng leh C. Vânlalhruii, O/A, Synod Office Lunglei te an kal a, Bial chhûng kohhran hrang hrang aţangin mi 93 an tel thei a. Tuipâng Bialah Rev. C. Lalduhawma, Lunglei Chanmari, Upa P.C. Lalhmingaihzuala, Thingfâl leh Pu Lalhmingmawia, Asst. Area Promoter, Synod Office Lunglei te an kal a, Bial chhûng kohhran hrang hrang aţangin mi 43 an tel thei a ni.

Training-ah hian Chhim Bial Working Committee buatsaih 'Kohhran Rawngbâwl hna' tih leh 'Kohhran Committee member nihna leh dinhmun, hna leh mawhpurhna' tih thupuite zir ho leh a ni.

SOCIAL NETWORKING LEHKHABU TÊ

Synod Social Front chuan mobile phone leh computer hmanga thu theh darh chungchâng hriat tûr leh kaihhruiaina lehkhabu tê a tichhuak thar a, Social Networking zir chianna a awm bawk a, tûnlaia mipui mamawh tak a ni.

LAY LEADERS' TRAINING

Synod Multipurpose Training Centre (SMTC) Mission Vêngthlangah hian Synod rawngbâwlina pêng pawimawh tak Lay Leaders' Training kal pui reng a ni a. Kohhran Upa kum 2017-a nemngheh te hming leh postal address te la thawn lo Presbytery kan awm chuan, a hnuai hming zia khênah hian rawn thawn tûrin kan inngên a. Tin, kum 2017 hma lama nemngheh tawh training tûra la koh loh, kal thei tûr an awm a nih pawhin min rawn hriatîr tûrin kan inngên bawk e.

Rev. Vânsâwma
Programme Director
Synod Multipurpose Training Centre
Mission Vêngthlang, Aizâwl

**Riţamte tân i inphal a, tihretheihte
i tihtlai bawk chuan, i êng chu thim
zingah a êng chhuak ang a, i thiam
mupna chu chhûn ang a ni tawh ang.
(Isaia 58:10)**

PRO PASTOR HNA ZIR LÂWKNA (ORIENTATION)

Kum tina tih thîn angin Synod Inkhâwmpuiin Pro Pastor a lâk tharte puala hna thawh dân tûr zir lâwkna (Orientation) chu February 13-16, 2018 chhûng khân Synod Conference Centre, Aizâwlah buatsaih a ni a. Synod Moderator Rev. F. Lalrinnungan thupui zir tûr tîngpui sawi hawngin February ni 13 zân dâr 6:00 khân bul a ţan a, chumi zawhah thupui hrang hrang zir zui a ni.

Thupui hian a huam zau hle a, Pastor leh Upate thawhpui dân tûr, Pastor nun, kohhran enkawl leh counselling, File vawn dân, mipuiin

Pastor an beisei dân, kohhran administration, Synod dân, Pathian biak inkhâwm hruai dân, ramthar chungchâng, harhna chungchâng, Pastor leh materialism, Synod Department leh Committee, Pastor inpêkna, Inkhâwmpui leh Committee kalhmang leh Information leh Social Media tihte a ni. A tâwp zânah Synod Officers Meeting (OM) nêna inkawmna hun hman a ni a, Pro Pastor-ten zawhna an neihte zâwtin chhân a ni a, OM member-ten an ngaih pawimawh an sawi bawk.

SYNOD INRELBÂWL DÂN BU

SEC-in a rêl angin Mizoram Presbyterian Kohhran Synod Inrêlbâwl Dân bu a chhuak thar a, hei hi Minister/Pastor, Pro Pastor leh Kohhran Upa (active) zawng zawng pêk tûra tih a ni a, Synod Office 'Mamawh Lamna'-ah mahni kohhran/Bial ta tûr lâk theih a ni. Kum

2015 Synod-in Synod Administrative set up and Management en thâtna a pawm leh a hnuai SEC-in a zût mâmin a nghawng Synod inrêlbawl dân leh Department kalhmang tihdanglam eng emaw zât a awm avângin he lehkhabu hi kohhran hruaitute tân a pawimawh hle.

CAMPING NEIH CHHUNZAWM DÂN TÛR RUAHMANNNA

Kum 2018 chhûnga Synod Revival Camping Centre, Neihbawi a Camping neih dân tûr ruahmanna siam a ni leh ta. He rawngbâwlina a hlawhtlin theihna tûra Kohhranhote ţawngtaia ţan la zêl tûrin Synod Revival Department chuan kohhran tin a ngên a ni.

Ni	Speaker	Team	Mawhpurthu Bial
Feb 13-17	T.Upa C. Lalthantluanga	Saltâng Chhuahtu	Leitan Pastor Bial
Mar 6-10	Upa Ramtharlina	Krista Palai	Sihphîr Pastor Bial
Apr 10-14	Henry Lalhmingthanga	Knight for Christ	Ramthar Vêng Pastor Bial
May 8-12	Vanlalvuana	Kraws Hnehna Puangtu	Zemabâwk Pastor Bial
June 5-9	T.Upa Zârzoliana	Siamthar lehna	Bethlehem Vênglai Bial
July 10-14	Upa Zârzoliana	Lalpa Kohchhuah	Armed Vêng Pastor Bial
Aug 7-11	C.Lalzahawma	Hnehna Puangtu	Zonuan Pastor Bial
Sep 11-15	Lalhriatkima	Prayer	Vênghlui Pastor Bial
Oct 2-6	Jerry Lalţanpuia	Krista Remna Palai	Ramhlun Pastor Bial
Nov 6-10	T.Upa Johny R.Lalhmingaiha	Nehemia Gospel	ITI Pastor Bial
Dec 11-15	F.Hmingthansânga	Misualte Thian	Dâwrpui Vengthar Pastor Bial

HNARUAK

Mizoram Presbyterian Kohhran hnuai hêng Contract hnate hi a ruak a, kum 18-35 inkâr, ni 28.3.2018-a kum 18 pumhlûm tawh, kum 35 la pumhlûm lo tân dîl theih a ni. Hna dîl na form hi Synod Office aţangin lâk chhuah tûr a ni ang. Hna dîl na Form-ah hian hriat tûr pawimawh tihlan a ni.

1. **Instructor/Instructress** - Mobile Repairing leh Beauticulture atân pakhat ve ve, SMTC-a thawk tûr.

Thiamna: HSLC with Diploma in concern trade

2. **PRESCOM Assistant III**, pathum PRESCOM-a thawk tur.

Thiamna: HSLC of any recognised Board

Dîl theih hun chhûng : Ni 13.3.2018 (Thawhlehi) dâr 4:30pm

Screening test/Exam : Ni 20.3.2018 (Thawhlehi) dâr 11:00am

Interview : Ni 28.3.2018 (Nilaini) dâr 10:00am

Hlawh : Synod hnuai Contract rate

Rev. Lalramliana Pachau
Secretary
Synod Service Board